

御選明詩卷第五十九目錄

五言律詩十

李攀龍十四首

王世貞九首

王世懋五首

謝榛二十一首

宗臣六首

徐中行七首

梁有譽一首

吳國倫九首

魏裳一首

汪道昆五首

汪道貫二首

汪道會一首

張佳胤二首

張九一五首

俞允文二首

盧柟二首

李先芳十二首

吳維嶽三首

歐大任十一首

黎民表七首

魏允中五首

胡應麟二首

徐獻忠四首

徐伯虬一首

顧聞三首

孫宜三首

陳津一首

黃魯曾一首

黃省曾三首

唐鉞一首

黃中一首

劉成穆一首

高應冕二首

陳芹三首

薛欽二首

吳節一首

方元煥一首

郭文涓一首

馮行可四首

許邦才二首

戎來賓一首

梁柱臣一首

孫樓一首

邵圭潔一首

丁一中二首

葉春及五首

吳景明一首

鄧元錫一首

李贄一首

潘緯六首

項元淇一首

周錫二首

張循吉一首

行述明言 卷五
錢元鼎一首

周沛一首

丘雲霄二首

施漸六首

李奎二首

萬表一首

劉銳一首

張元凱三首

御選明詩卷第五十九

五言律詩十

李攀龍

同皇甫膳部寒夜城南詠月

片月掛遙岑，層城曳素陰。
寒分空樹淨，影落御溝深。
結冷悲征笛，勻霜上擣砧。
西園芳宴後，白雪復誰吟。

白雪樓

諸郎難得意，非是敢沉冥。
拙宦無同病，清時有獨醒。
千家寒雨白，雙闕曉煙青。
又值高樓雁，寥寥不可聽。

聞砧

永夜盧家婦，深閨坐自傷。
拭砧散明月，投杵上清霜。
別

恨繁鴛綺哀音送雁行
同袍征戰盡刀尺斷人腸

出郭

出郭隨吾適人家杜曲邊
溪深縈去馬山路入鳴蟬
黍殷秋作茅茨足晝眠
可能祛物役歸買汶陽田

秋日村居

隱几憐清曉開軒命濁醪
西風行薜荔白露綴蒲桃
氣逼蟬聲苦天舍雁影高
壯心堪自見秋色正滔滔
高齋清自掩遙夕病相看
片月花間淨明河樹杪乾
流螢含火著宿鷺抱霜寒
何限同袍意江湖坐渺漫

冬日村居

高卧堪人事幽棲豈世情
老松寒更拙片竹冷逾清
擁

褐江湖色鳴琴雨雪聲
懶心常近傲不是學莊生
遙夜冷幽獨南山傍
戶庭泉流霜下白
野色海邊青
風亂將殘燒寒疎
欲曉星偶因樵唱起
延眺及林垌

送潘潤父

搖落荒山道君行日獨深
解裝迎暮雨秣馬發秋林
僮僕知鄉淚風塵見客心
十年悲未遇歸卧惜湖陰

寄許殿卿

漠漠雨如沙翩翩燕子斜
官貧輕逆旅鄉遠重攜家
昨夜懷人去春風撫歲華
獨行臨御水問使到梅花

十五夜謝山人同李明府見過得宵字

客有山中約人來江上遙
張燈傳綵筆換酒出金貂
貧

病看交好文章慰寂寥天涯還此會留醉駐春宵

重別李戶曹

舊遊京陌滿何處珥貂行念子從王事令人識宦情春
風吹遠別芳草送孤征莫歎謀身拙前賢重請纓

秋夜

豈敢欹芳樹多時信轉蓬鄉心生夜雨客病卧秋風大
藥三山外浮名四海中自知成汗漫還與衆人同

郊遊

何爲驅車馬終歲慘塵顏偶出城西寺因看湖上山水
流芳草外人醉落花間復值巖耕客春風荷蓀還

王世貞

贈王山人

五嶽遊欲遍歸來鬢尚玄
藏名詩句後避世酒杯前
久客鄉音改無家旅興偏
脩然喚雙屐揮手向江煙

乍雨

細雨留高樹輕寒過小池
劇憐初夏節却似晚秋時
披荇魚知樂憑軒鳥暗窺
蕭疎故園思徐步欲何之

四月一日同于鱗子與諸君水頭放舟

歌管能回首輕舸自任風
人家漁網外山色酒盃中
心事歡仍見年光醉未窮
褰裳吾欲涉菰際忽驚鴻

過冶泉

偶經盤石坐下有暗泉
過愛月苔陰少分雲竹色多幽

巖苔樵斧小屋見漁蓑不減滄浪興風塵可奈何

不寐

襆被據匡牀薰爐裊裊香緒風低宿樹孤月淨無霜戍鼓交偏緩寒雞報轉長不眠須起舞塵匣暗干將

懷柔道中

馬足吾何限山行稍自寬人家梅雨色衣袖麥秋寒過瀑添新徑歸雲改故巒斷腸沙雁起一一向長安

太原道中書事二首

盤陀十二驛驛驛似西川畢竟中無地還疑小有天居民同伏鼠宿客傍棲鳶不待蟬聲苦秋霜向鬢邊不斷峰巒色何由見晉陽傍山兔三穴入地鼠千倉項

爲泉奔瘦牙因棗熟黃吳兒莫相笑風俗古陶唐

藏經閣西偏俯小罨畫溪

紺宇藏經閣春雲罨畫溪隔花催小艇落日在招提彼岸如相引真源自不迷老夫繙閱罷隨意步東西

王世懋

春日袁魯望見過分韻

河朔名仍在乾坤意未降酒人唯我共國士許誰雙秉燭深良夜聽雞過小窗挂帆明日去春色動三江

過天界寺訪半峰師會師偶病強起留宿

匹馬到精舍悠然深薜蘿人聲入寺盡山色閉門多欲問簡編絕無言鐘磬過心閒病亦好不爲示維摩

毛公壇

冲舉何年事空壇尚此名泉疑丹井出草共講臺平地
盡山形轉林深水氣明班荆坐相視寂寂愧浮生

送陸元量出按廣右

繡斧下雕題花驄拂柳嘶霜清八桂外雲碧五羊西問
俗安烽燧飛章散鼓輦君家一片石歸路好重攜

廬山雪

朝日照積雪廬山如白雲始知靈境杳不與衆山羣樹
色空中斷泉聲天半聞千厓冰玉裏何處覓匡君

謝榛

冬夜過雲翁留酌因赴西池君不果

眼前期不定萬事遠期難酒熟山人過詩成蠟炬殘
聲連巷動月色滿城寒歲晚梅花發誰同雪裏看

客居即事

客居何懶慢過午尚科頭老得醫書喜閒增詩債
愁春寒風偃樹天晚雪明樓莫謂常漂泊西來亦壯遊

春夜即事

春草非我土春宵還自悲庭虛風稍靜簾捲月何遲
久病兒知藥長吟妻解詩他年學耕稼肯負鹿門期

春園

水村人寂寂遲日敞柴關菜甲春初細園丁雨後閒
沙邊來白鳥柳外出青山此地多幽意行歌薄暮還

送杜太僕謫荊州

謫宦三千里誰憐賈傅才
漢江秋月上楚岫夜猿哀
心事登樓賦年光落帽臺
知君最愁絕湘雁逐春來

夏夜獨坐披襟當風頗有秋意賦此寄懷

散髮南樓夜翛然披素襟
蛩聲依草際螢火落牆陰
老破當年夢秋生久客心
遙思苔石上坐聽美人琴

送樊侍御之金陵

地入維揚路天分牛斗墟
秋帆二水外春草六朝餘
冰雪生官舍風塵走諫書
從來經國者寧不念樵漁

曉起

曉起正科頭時聞花外鳩
出門疎雨歇倚杖斷雲流
綠